

香港新界區原區事顧問協會顏錦全副主席發言稿

尊敬嘅主席、各位立法會議員

首先多謝立法會俾機會本會，喺呢度發表對香港政制發展嘅意見。

特首曾蔭權喺競選時作出承諾，喺任內要解決香港政制發展嘅問題，佢喺當選後就即時推出《政制發展綠皮書》，綜觀整份《綠皮書》嘅內容，廣泛吸納咗各方面嘅意見，無主流方案，無傾向性嘅意見，既反映咗社會缺乏主流共識嘅現實，亦為社會各界提供廣泛嘅討論空間。

首先，本會認為香港民主政制嘅發展，必須符合《基本法》嘅規定。香港係中華人民共和國不可分割嘅一部分，「港人治港」喺絕對不能脫離「一國」嘅原則，呢個係香港討論政制發展不可超越嘅底線。

就行政長官嘅選舉方法，本會認為，提名委員會應該以現有選舉委員會 800 人為基礎，逐步增加至 5000 人，新增嘅成員可以根據現有四個界別，按比例增加。至於行政長官嘅提名，應該先訂出一個相對較高的門檻，例如要取得提名委員會兩成半成員提名。

在立法會普選方面，除咗而家嘅民選議席，可以保留功能界別選舉，以平衡社會上多方面不同利益，但應該擴大選民嘅基礎，最終朝全面普選方向發展。

「循序漸進」喺政制發展嘅不二法門，普選嘅發展亦不

能一步到位，本會認為，香港啱啱回歸祖國十年，部分香港市民現在先開始探討何謂「愛國」，要係市民對國家歸屬感、對政治的認識以至對國情嘅了解達到一定程度，先至係特區政府就雙普選嘅實施進度，制定時間表嘅成熟時機。

鑒於行政長官及立法會議員嘅地位、性質同任期唔同，因此兩者嘅普選時間表應該分開處理，行政長官先行普選，讓社會大眾熟悉普選嘅模式，立法會隨後才實行。

本會已經另外擬備一份詳細嘅意見書呈交俾立法會，亦都會呈交政制事務局。喺呢度希望社會各界能夠平心靜氣討論香港政制嘅發展，討論出一個中央政府接受，社會各界認同，適合香港情況嘅政制發展方案。

多謝！